


NEWSLETTER YA DITHO

KHATISO EA PELE | FEBRUARY 2023



Setho se Ratehang

Ho tswa ho Mineworkers Provident Fund, re tshepa hore le qadile selemo hantle, mme le se le fumane botsitso ho 2023. Re na le tshepo ya hore 2023 e tla ba selemo se betere, ho sa natswe tse ding tsa diphephetso tse tobaneng le naha ya rona ha jwale, ho kenyeletswa le ho kgaoha ha motlakase hoo e seng e le karolo ya letsatsi le letsatsi bophelong ba rona.

TSEBISO KA MAEMO A MORAORAO A MABAPI LE KABO YA DITATEMENTE TSA MELEMO YA DITHO YA 2021:

Ho latela kutlwisiso ya Letlole, re rerile ho etsa 2023 selemo se betere se nang le katleho. Ntlha ya bohlokwa eo re tsepamisitseng maikutlo ho yona ka 2023 ke ho ntlafatsa boleng ba melemo ho ditho, ho kenyelletswa le ho arabela ditlhoko tsa ditho maemong a ho beha mejafatshe, ho ntlafatsa boleng ba tshebetso ya setho le ho ntlafatsa mokgwa wa ho aba ditatemente tsa melemo.

Kabo ya setatemente sa melemo ya 2021 e se e qadile, mme re lebelletse ho phethela projeke ena pele ho mafelo a Tlhakola 2023. Tlase maemo a tlwaellehileng, mosebetsi ona o tshwanela hore o ile wa phethelwa ka Pudungwana ngwahola, jwalo ka ha ho ile ha etsahala dilemong tsa ho feta, le ha ho le jwalo ka lebaka la diphephetso tsa tshebetso, ha re ya kgona ho phethela ka nako, mme re kopa tshwarelo ka tiehiso ena.

Ditatemente kaofela tsa melemo di ne di fumaneha ho marangrang a inthanete ka Tshitwe 2022 jwalokaha re ile ra etsa tsebiso ka mekgwa e fapaneng ya kabo e fapaneng ka nako eo. Ba bang ba lona le ka be le ile la etela diofisi tsa Letlole tsa Mohiri moo le neng le ka kopa moeletsi wa Letlole ho printa ditatemente tsa melemo. Di boetse di ya fumaneha ho App ya Letlole e founong. Letlole le utlwisisa tshebedisano ka hara ditho tsa rona, mme le ka rata ho o kgothaletsa ho sebedisa emeile ya rona ya clientservice@mineworkers.co.za ho ka fumana ditatemente tsa elektroniki, hape o ka etela lefapha la HR bakeng sa thuso enngwe.

Re fumane boiphihlelo ba bohlokwa ho se etsahetseng ka 2022 mme re se re qadile ho kenya tshebetsong mehato ya ho netefatsa hore ditatemente tsa melemo ya 2022 di ajwa ka nako.

DIKETSAHALO TSA MWPF CSI:

Nakong e fetileng, Letlole le ile la tshwara papadi ya selemo le selemo ya Letsatsi la Kolofo eo sepheo sa yona e leng ho bokella tjehele ho thusa baahi ba hlokang, moo ditho tsa rona di dulang teng. Ka ketsahalo ena, Letlole le kgonne ho thusa baahi ba bangata ho kenyeletswa ntjhafatso hammoho le kaho ya diphaposi tse ding tsa ho rutela sekolong sa Eastern Cape ka 2018. Le ha ho le jwalo Letsatsi la Kolofo ha le sa etsahala ka lebaka la dithibelo tsa taolo tse hlahellang ho Taolo 8. Ka tjehele e setseng ka mokotleng, Letlole le thontse Sehlopha sa Tshebetso sa CSI ho fumana diketsahalo tsa bohlokwa moo tjehele e ka sebediswang ho tsona. Re motlotlo ho tsebisa hore Letlole le kgonne ho hlwaya dikolo le ditleliniki tse mmalwa, moo ho nehelanweng le ho kenngwa ha di-generetara tse 11 le ditanka tsa di jojo tse 3, ho thusa dikolo le ditleliniki tsona nakong ya kimollo ya motlakase le ho ipolokela metsi.

Sehlopha sa Tshebetso sa CSI se entse bonnete ba hore disebediswa tsona ho fanwa ka tsona ka tsela e se nang leeme dibakeng tse tlwaellehileng tsa Letlole, mme ho ile ha buisanwa le Dikomiti tsohle tsa Boelets'i tsa Lebatowa (RACs) mabatoweng a 7 le ho ameha kgethong ya dikolo le ditleliniki tse tshwanetseng. Diprojeke tsona ho sa ntse ho tla nehelanwa ka tsona semmuso dikolong le ditleliniking nakong e tlang. Maikutlo a seng a amohetswe ho fihlela jwale a bontsha hore dikolo le ditleliniki tse fuweng disebediswa tsona di leboha haholo, nakong ena moo kimollo ya motlakase e leng bophelo ba rona ba letsatsi le letsatsi. Dikolo tse ding di etsa diprojeke tsa maemo a hodimo tse hlokang motlakase ka dinako tsohle. Di boetse di hloka motlakase ka dinako tsohle bakeng sa mosebetsi wa tsamaiso (mohlala ho printa dipampiri tsa ditlhahlobo, jw!).

Dikolo tse ding di na le dithuto tse tshwarwang ka phirimana tsa barutwana mme digenereitara di tla thusetsa nakong ya ho kgaoha ha motlakase. Ditleliniki di tlameha ho fana ka meriana ya bohlokwa e lokelang ho bolokwa maemong a batang, mme e a ameha ha motlakase o timme nako e telele, ho sena mkgwa o mong wa ho ba le motlakase. Digenereitara di tla etsa bonnete ba hore bakudi ha ba amehe.

Ka 2023, Letlole le ikemiseditse ho fana ka ditshebeletso tse tswileng matsoho ho bakudi ba tsona hammoho le ho bohle ba amehang. Jwalokaha ho na le dintho tse ngata tse etsahalang, re dumela hore selemo sena e tla ba se atlehileng bakeng sa Letlole.

E se eka o ka fihlela maikemisetso a hao ohle ka 2023!

Ka boikokobetso
Frans Phakgadi

MWPF PO le Mohlanka e Moholo wa Phethahatso wa Nakwana



Tseba Melemo ya hao ya MWPF

Re fa ditho tsa rona dihlahiswa tsa maemo a holimo, eseng feela ho thusa nakong ya ho beha mejafatshe, empa le maemong a neng a sa lebellwa. Ho bohlokwa hore o itlwaetse hammoho le ba lelapa la hao melemo e ka fatshe hore o e tsebe, ha ho ka hlaha maemo o neng o sa wa lebella:



1. MOLEMO WA LEPATO

Molemo wa lepato o lefshwa ho tswa Letloleng ha ho hloka hantso setho, molekane kapa bana.

Setho	R50 000
Molekane	R50 000
Ngwana ya dilemo tse 14 ho ya ho tse 21	R50 000
Ngwana ya dilemo tse 22 ho ya ho tse 25 (Ya sekolong ka dinako tsohle)	R50 000
Ngwana ya dilemo tse 6 ho ya ho tse 13	R31 250
Lesea le eso behelwe ho ya ho ngwana ya dilemo tse 5	R18 750

Tjhelete ya lepato e leng R50 000 e tla lefshwa ha setho se tswileng Letloleng ka ho beha mejafatshe, se hloka hantso.



2. MOLEMO WA LEFU

Ha setho se hloka hantso, ho tla lefshwa melemo e latelang ho bajalefa.

- Moputso wa selemo ka makgetlo a 3;
- Paloyohle ya dinyehelo tsa ho beha mejafatshe;
- Paloyohle ya dinyehelo tseo o ileng wa ithaopa ho di etsa (ebang di le teng);
- Paloyohle ya karolo e ileng ya kenngwa (ebang e le teng);
- Poelo ya tjhelete yohle ya peheletso.



3. MOLEMO WA HO QHWALA

Haeba setho se qhwalla ruri, se sa kgone ho tswelapele ka mosebetsi ka lebaka la ho qhwala, setho se tla lefshwa ka tsela e latelang.

- Moputso wa selemo ka makgetlo a 3, ebang se fumanwa se ntse se qhwadile, le ho qhwalla ruri, ho latela Nako ya ho Leta ya Dikgwedi tse 6;
- Paloyohle ya dinyehelo tsa ho beha mejafatshe;
- Paloyohle ya dinyehelo tseo o ileng wa ithaopa ho di etsa (ebang di le teng);
- Paloyohle ya Karolo e ileng ya Kenngwa (ebang e le teng);
- Poelo ya tjhelete yohle ya peheletso.



4. MELEMO YA HO BEHA MEJAFATSHE

Ha motho a beha mejafatshe e leng nako efe kapa efe pakeng tsa dilemo tse 50 le 60 bakeng sa basebeletsi ba ka mpeng ya lefatshe hammoho le 53 le 63 bakeng sa basebeletsi ba ka hodimo, setho se tla fumana moputso o latelang.

- Tjhelete ya hae e letloleng;
- Paloyohle ya dinyehelo tsa ho beha mejafatshe;
- Paloyohle ya dinyehelo tseo o ileng wa ithaopa ho di etsa (ebang di le teng);
- Paloyohle ya Karolo e ileng ya Kenngwa (ebang e le teng);
- Poelo ya tjhelete yohle ya peheletso.

O NA LE DIKGETHO DIFE TSA HO BEHA MEJAFATSHE?

- 1 O ka nna wa sebedisa tjelele kaofela o nang le yona letloleng ho nka annuity Letloleng..
- 2 O ka nka tjelele e ka bang 1/3rd ya melemo ya hao eo mohiri a sa kenyang letsoho ho yona, e le tjelele e lefiswa lekgetho le ho sebedisa tjelele e setseng e leng 2/3rd ho nka annuity e tlamang. Haeba paloyohle ya melemo ya hao eo ebang mohiri ha a ya kenya letsoho ho yona ke R247 500 kapa ka tlaase ho moo, tjelele yohle e ka nkuwa e le tjelele e tla lefiswa lekgetho.

HO TSAMAYA DIKOPANO TSA DIKELETSO KA HO BEHA MEJAFATSHE

Ditho tse seng di tla beha mejafatshe di tshwanela ho tsamaya dikopano tsa Dikeletso ka Melemo ya ho Beha Mejafatshe. Letlole le fana ka dinako tse fapaneng tsa dikeletso, e leng nako ya dikgwedi tse 12 pele setho se beha mejafatshe, dikgwedi tse 6 pele setho se beha mejafatshe mme ya ho qetela nako ke dikgwedi tse 3 pele ho dilemo tsa ho beha mejafatshe. Dikeletso tsa melemo ya ho beha mejafatshe di thusa hore o ka etsa moralo wa ha o se o beha mejafatshe, ho qoba hore ditho di fellwe ke tjelele ka mora hore di nke tjelele e sekolokoto. Dikopano tsa dikeletso ka melemo ya ho beha mejafatshe ke tlhokeho, mme di bohlokwa hore ditho tsohle tse haufi le ho beha mejafatshe, di be teng dikopanong tsena tse bitswang ke Human resources kapa Baeletsi ba Melemo ka ho Beha Mejafatshe. Bua le HR ya hao ho tseba ka kopano e latelang.

Ho fumana dintlha tse ding mabapi le melemo ya hao le hore o etsa tleleimo jwang, sheba ho www.mwpf.co.za.

Re na le mekgwa e fapaneng ho etsa bonnete hore of fumana tshehetso o e hlokanang. O ka nna wa ikopanya le rona le ha e le ka o mong wa mekgwa e latelang:



010 100 3001



086 661 9532



www.mwpf.co.za



clientservices@mineworkers.co.za



mineworks_pf



mineworkers_pf



mineworker_pf



071 881 6515

Disclaimer: The information provided in this newsletter is protected by applicable intellectual property laws and cannot be copied, distributed or modified for commercial purposes. While every effort has been made to ensure that the information contained herein is current, fair and accurate, this cannot be guaranteed. The use of this information by any third party shall be entirely at the third party's discretion and is of a factual nature only. Please note that if the content of the newsletter conflicts with the Rules of the Fund, the Rules shall prevail. MWPF does not accept any liability due to any loss, damages, costs and expenses, which may be sustained or incurred directly or indirectly as a result of any error or omission contained herein.